

Lukaq É Gabú Danglù Laiká Mâ É Mhô-myí Pé

Laiká Bùk - I



Bo É Dang-u Pé

Nghap cham	Dang-u	Laiká myòq
1	Noqkuq Yhûm Hkaû má Zoshâng Yesuq Jé nyi é hkyô	1-16
2	Yesuq Wuì-myhyp Hkâm yu é hkyô eq Tsádán Gúnglaú É Hkyô	17 - 34
3	Ngozo Gyai Myo shoq Wó Kông Yu É Hkyô	35- 49
4	Gùngjum Shî Sû Lé, Lhoq Gê Byî É Hkyô	50 -65
5	Yesuq, Hparishe hpó Simun é yhûm má, e é hkyô	66 - 81

Illustrations by Sweet Publishing <http://www.sweetpublishing.org>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041


Scripture passages are from the New English Translation.

The introduction and study questions were developed by Michelle Miller and Pang Vilay to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format.

Title : Luke Shellbook Vol. I
Translator : Chumlut Ban Htang
 Lahpai Nang Doi
 Chumlut Laq Pa
Editor : ZBTC
Language : Zaiwa
Date : 26th October, 2019
Edition : First Edition

1. Nokuq Yhûm Hkaû Má, Zoshâng Yesuq Jé Nyi É Hkyô

The Boy Jesus at the Temple



Lukaq 2:40-52

Dang Hpóng

Yhûmsîng Yesuq gi, Yudaq byù myû mai hku lé lò luî, Isira-elaq Mîngdán, Nazaret wà má nyi kô laî lò bê nghut ri. Yudaq htûnghking má, yùqgè zo wuî gi, asàk raxe í zân byíng jáng, Yerusalem noqkuq yhûm má kut é poî pé má ê bo wang lòm râ é nghut lhê. Nazaret wà gi, Yerusalem myuq eq 60 déng kô wê lhûm ri. Haú pyât gi, módo, Saike a jòq shî é yánmai, rawà eq rawà sô je lhum râ matú, buì-nyì tsómra myáng ri.

Mhô-myi laiká bùk shî gi, Yesuq, Yerusalem wà má, sâng-hî dàm e é hkyô nghut lhê. Yesuq é zoshâng pyât é hkyô lé, ChyúmLaiká má, radàm za tûn shit tô ri.


Hpyê lhum râ dangmyi - Nâng é wà, a nghut jáng, myuq mai wê dik é jowò shut gyung htoq wú é lhú? Hai ji mù, e wú é lhú? (módo, saike, maudang, wuìlhai). Hkyô wui é matú, zoshuq pé alhaq yu chûng lhú?



40 Nazaret shut dum taû ló bekô. Zoshâng haû gi, kô lò mù, wum-o bò lo é eq hpaqchyî byéng-yá le byíng nyi ri. Garai Gasâng jeju le, Yhâng é ahtoq má jòq nyi ri.



41 Yhângnu eq yhângwâ nhik gi, Lhoqlhai Poî je
hkangmó, zàn wuì Yerusalem wà mó má ê ê kut
akô.



4³ Haû poî buì-nyì lai luî, dum taû lo é hkûn,
zoshâng Yesuq gi, Yerusalem wà mó má nyi gyó
tô ri; nghut kôlhang, yhângnu eq yhângwâ nhik
gi, a sé kó.




44 Yesuq lé, rahá lo é luzúm wui chyáng bò râ su ngàm kômù luî, Yosep eq Mariq gi, ra-nyí buì gyùm chap sô ló bê htâng má, mùng mòq wui eq, sê lhûm é buì-nùm ji-myi wui chyáng Yhang lé châng ho akô.




45 Yhángnhik gi, Yesuq lé a myàng kôjáng,
Yhang lé châng hô uchyang, Yerusalem wà mó
má dum taû jó e ló bekô.



46 Ahkuî, sum nyí nghû râ nyí shèq, noqkuq
yhúmhkaû má, tarâ sará pê é gunggûng má zung
to mù, yhángmòq é dang lé, gyô yù luî, dum taû
myi myi kut nyi é lé, yhángnhik ê myang akô.



47 Yhâng é dang wó gyô é bang bànshoq gi,
Yhâng é u-nuq nyau é hkyô lé le, Yhang tû taî é
dang lé le, maú nyi akô.



48 Yhang lé myàng jáng, yhángnhik maú byùq kômù luî, yhângnu gi, “Ngá zo ê, haî mù luî ngá-nhik lé îsu kut lhê lhú? Wú aq, nángwa eq ngá-nhik gi, myìt myo myìt chiq é èq, nàng lé jàq châng ho pyám bê.” ga luî, Yhang lé taî ri.



49 Yhang gi, “Haî mù luî, ngo lé châng ho akô lhú? Mauhkûng mâ é ngá Wâ é yhûm má ngò nyì râ lhê lé gi, nûng nhik a sé kó lhú?” ga luî, yhângnhik lé tû taî ri.



51 Yesuq kúm gi, yhángnhik eq rahá Nazaret wà shut taû je gyó ló luî, yháng nhik nyo é dang lé gyo mù nyi tô ri. Yhângnu Mariq gi, dùt laî lò bê hkyô pé bànshoq lé, yhâng é myìt nhiklhum má matsîng tô ri.



52 Yesuq gi, hpàqchyî byéng-yá kûng zèt lo é eq,
Gùnghkyâng kô myhang lò mù, Garai Gasâng é
hí má le, byu hí má le, myòqdong wó lo nyi ri.

A. Ahkyo Azó Lé Hpyê Lhûm É Hkyô

1. Yosep eq Mariq gi, zàn wuì hká shut e akô lhú? Sâng-hî dàm Yerusalem Noqkuq yhûm má e é hkûn, Yesuq gi, asàk hkâ-myhó zàn bò bê lhú?
2. Yesuq gi, poî bàn jáng hká shut e ló byùq ri lhú?
3. Yosep eq Mariq gi, Yesuq lé hkâ-myhó nyí ho akô lhú?
4. Yosep eq Mariq gi, Yesuq lé hkâ-má ê myang ho akô lhú?
5. Yesuq taî é dang lé wó gyo bang gi, haî mù luî maú nyi bum akô lhú?
6. Mariq gi, yhangzo Yesuq lé myang é hkûn, haî taî ri lhú? Yesuq gi, hkâsu dum tû taî ri lhú?
7. Yesuq kô lo é hkûn hkâsû é zoshâng dùt lo ri lhú?

B. Ahkyo Azó Lé Sê Gyô É Hkyó

1. Poî bàn bê nghut kôlhang, Yesuq gi, haî mù, Noqkuq yhûm má xoq nyì nau ri lhú?
2. Yesuq gi, yhângnu eq yhângwâ nhik lé, noqkuq yhûm eq séng luî, hkâsu ga taî kyô ri lhú? “Ngá wa” ga Yesuq taî é gi, ó yùq lé taí nau é nghut lhê lhú?
3. Noqkuq yhûm hkaû má tarâ sará pé eq taî lhûm nyi é Yesuq gi, haî mù haú-í unuq nyau ri lhú?

C. Mhoq Yu é Dông Asàk Duì Râ Hkyô

1. Ngá-nhúng gi, haî mù luî noqkuq jong e lhê lhú? Noqkuq jong e é gi, hai akyû wó râ matú nghut lhê lhú?
2. Ngá-nhúng gi, haî mù luî, Noqkuq jong ê nau é myít bo lhê lhú?
3. Yesuq é mhô-myî mai, ngá-nhúng haî wó mhoq yu ri lhû?
4. Yesuq gi, noqkuq yhûm má nyi tô é hkûn, tarâ sará pé lé dangmyi myî ri. Ahkuî, nàng le, Yesuq hkyô a nghut jáng, Chyúmlaiká eq séng luî, dangmyi myí nau é hkyô bo ashî lhú?

D. Wó Mhoq Yu É Hkyô Pé

1. Yesuq gi, “Garai Gasang, yhângwa nghut é hkyô lé le, mingkan má yhang lé nhang kat Sû nghut é hkyô lé le sê ri.
2. Ngá-nhúng le, Garai Gasâng chyáng huî wàng luî, Yesuq chyáng mai alik wó yu lhê.
3. Gótû hái jung wó mhoq yu záng ashî lhú? Myi râ dangmyi jòq ashî lhú?

NGHAP MATSÍNG RÂ CHYÚMBUN **Lukaq 2: 52**

Yesuq gi, hpàqchyî byéng-yá kûng zèt lo é eq, gùng hkyâng kô myhang lò mù, Garai Gasâng é hí má le, byu hí má le, myòqdong wó lo nyi ri.

2. Yesuq Wuì-myhup Hkâm Yu É Hkyô Eq Tsádán Gunglaú É Hkyô

Jesus is Baptized and then Tempted by Satan




Lukaq 3:2-3, 25-26, 4:1-13

DANG HPÓNG

Yhûmsîng Yesuq gi, Garai Gasang nhang é múzó lé a hî shi-má, ahkyàk é hkyô í hkat htûng huî laî ri. Sâng-hî hkat gi, Yesuq, Yohan é lòq má, wui-myhyp hkâm yu é hkyô nghut ri. Haû Wuì-myhyp sará Yohan gi, Elizabet eq Zahkariq nhik é yhangzo nghut ri. Yohan lé Garai Gasang byî tô é wò mó gi, jé lé lô râ nghut é, Garai Gasâng é yhangzo (danggidiq byî tô ê hkyi yù Yhûmsîng) lé, Isira-elaq byù myû wui mai i-myit nhiklhum bànshoq èq lhom pang yù râ lé taî pun byi râ wò nghut ri. Hau htoq agó yhang gi, waxâng zo wui yubàk mara mai myit lhing lò mù, Garai Gasâng èq mara hkyut byî é hui luî, asàk sik wó yù mù, nyì yàp e ló râ hkyô lé le hko kyô laî lò bê nghut ri.

Htâng rahkat gi, Yesuq wui-myhyp hkâm yu é htâng Garai Gasâng é matú kô dik é gyè nghut é Tsâdán èq Yhang lé gúnglaú é hkyô nghut ri. Tsâdán gi, ngá-nhûng é gyè le nghut lhê. Yhang gi, ngá-nhûng lé, Garai Gasâng é dang a gyo lo shoq gúnglaú sû nghut ri. Dùt laî lo é ahkyo azó shî-mai, Garai Gasâng é mungdâng èq Tsâdán gúnglaú é lé, wó ûng râ hkyô myang mhoq yù râ nghut lhê.



² Anna eq Kayahpaq gi, hkyangjong mó mü má, kut nyi akô. Haú hkûn, Garai Gasâng é mungdang gi, yòso má nyi tô é, Zahkariq é yhangzo Yohan chyáng jé lé ri.



³ Haû mù, yhang gi, Yodan làng yàm jowò hkangmó má, sô jón wún luî, yubàk mara hkyut pyám byî é hui râ matú myit lhîng mù, wui-myhyp hkâm yù râ hkyô lé, hko kyô nyi ri.



¹⁵ Shiwa byu pé kúm gi, Hkrisdùq lé myit láng nyi tô é bang nghut é yánmai, Yohan lé haú yùq nghut lhê laq ga yhûmsing é i-myìt ûnghkaû má myìt wú nyi bum akô.




¹⁶ Haú hkûn, bânshoq bang lé Yohan taî é gi, “Ngò gi, nûngmòq lé, wui èq za wuì-myhyp hkám byî lhê; nghut kôlhang, ngá htoq má wum-o a-tsam je bo é sû rayùq jé lé lô râ nghut lhê. Ngò gi, yhâng é hkyî-tsung tui lé hpyî râ lháng a gingdán; Yhang gi, Chyoiyúng Woi-nyí má le, myi má le, nûngmòq lé wuì-myhyp hkám byi râ nghut lhê.



²¹ Yohan lé htóng má a lhûng kat shi-má, byù myo myo gi, wui-myhup hkâm yu nyì kô é hkûn, Yesuq le Yohan chyáng wui-myhup hkâm yù mù, kyûdûng nyi le, mauhkûng bóngh lô mù,

²² haû Chyoiyúng Woi-nyí gi, hpûngkyui gûnghkyâng sû é dông mai Yhâng ahtoq má lé gyó nô ri. Haú hkûn, ‘Nàng gi, Ngò chyitdàp é Ngá zo nghut lhê; Náng é ahtoq má Ngò gabú myit ngón nyi lhê.’ ga mauhkûng mai danghtê htoq lo ri.



¹ Yesuq gi, Chyoiyúng Woi-nyí eq byíng mù,
Yodan làng mai dum taû lo é hkûn, Chyoiyúng
Woi-nyí gi, Yhang lé yòso shut shuî e ri.

² Haú má, Yesuq gi, buì-nyì myi xê nyí jé shoq,
nàt Tsádán èq gúnglaú é huî ri.



³ Bùì-nyì haú gyoro má, Yesuq gi, haî le a zô é yánmai, zò mut hui bê nghut ri. Haû mù luî, nàt Tsádán gi, “Nàng, Garai Gasâng é Yhangzo nghut le gi, luqgok shî lé mùk dùt nhâng àq.” ga luî, Yhang lé taî ri.



⁴ Haú hkûn, Yesuq gi, “ ‘Byù gi, mùk èq za asàk duì râ a nghut.’ ga luî, Chyúmdang má kâ tô ri.” ga yhang lé tû taî ri.



5-7 Hau htâng, nàt Tsâdán gi, Yesuq lé, gyai yhang myhang é bùm htoq má shuî dòq ló mù, mingkan má jòq é mingdán pé bàんshoq lé razùp má za tûn shit luî, “Shî ahkáng ayá bàんshoq eq haû mingdán é hkikhkâm hkyô bàんshoq, ngò nang lé wó byî lhê; hkâsu mù gâ le, haú pé bànshoq gi, ngo lé àp byî to bê nghut mù, ngò byí nau é sû ó yùq lé nghut kôlhang, byi râ nghut lhê. Nàng, ngo lé noq é nghut jáng, shí pé bànshoq Náng é dùt râ nghut lhê.”ga, Yesuq lé taî ri.




⁸ Haú hkûn, Yesuq gi, ““Haû Yhumsîng náng é Garai Gasang lé za, nàng noqkuq dojaú ra râ nghut lhê.’ ga luî, Chyúmdang má kâ tô ri.” ga luî, yhang lé tû taî ri.



9-11 Nàt Tsadán gi, Yesuq lé noqkuq yhûm je myhang é shûhtâng htoq má yàp nhang to luî, “Nàng, Garai Gasâng é Yhangzo nghut le gi, shî mai byam gyó kat wú aq. Hkâsu mù gâ le, ‘Nang lé ùp zúng byî nyì râ matú, Garai Gasang gi, Yhâng é maumang lagyô pé lé taî to râ nghut mù, luqgok má náng é hkyî a ló htung shoq, yhângmòq é lòq èq Nang lé lhom bún yû kó râ nghut lhê.



¹² Nghut kôlhang, Yesuq gi, “Haû Yhumsîng, nungmoq é Garai Gasang lé, wó chyam wú râ a nghut.” ga luî, Chyúmdang má bo tô ri.” ga, yhang lé tû taî ri.



13 Nàt Tsádán gi, gúnglaú é hkyô pé bànshoq ban
kut jáng, ahko ahkáng láng wú uchyang yhâng
chyáng mai byam gâng nyi byùq ri.

A. Ahkyo Azó Lé Hpyê Lhûm É Hkyô

1. Garai Gasang gi, wui-myhup sará Yohan lé haî kut nhang ri lhú?
2. Byu pé gi, Yohan lé, nàng Meshi-aq lhú ga myi kô é hkûn, yhang hkâsu ga dum tû taî ri lhú?
3. Yohan gi, Yhûmsîng Yesuq lé, ó yùq nghut lhê ga taî ri lhú?
4. Yhûmsîng Yesuq wui-myhup hkâm yu é htâng, mauhkûng mai hkâsu gâ é danghtê htoq lo ri lhú?
5. Yhûmsîng Yesuq é góqsân htoq má lé gyó zung é hpûngkyui gi, haî nghut ri lhú?
6. Yhûmsîng Yesuq, wui-myhup hkâm yu é htâng, Chyoiyûng woi-nyí Garai Gasang gi Yesuq lé, hká shut shuî ló ri lhú?
7. Tsádán èq Yesuq lé gúnglaú é hkyô 3 hkat lé taî kyo aq? Yhûmsîng Yesuq gi, tsádán gúnglaú é hkyô hkat hkangmó lé, hkâsu tû taî ri lhú?

B. Ahkyo Azó Lé Sê Gyô É Hkyô

1. Yohan gi, byu pé lé, myìt lhîng râ hkyô hko kyô ri. Myìt lhîng hkyô nghu é gi, haî lé taî lhê lhú?
2. Yhûmsîng Yesuq, ngá-nhûng lé, Chyoiyûng woi-nyí èq wui-myhyp hkám byi râ gâ é lé, nàng hkâsu sê gyô ri lhú?
3. Dùt laî lo é ahkyo azó shî-mai, Yhûmsîng Yesuq é hkyô lé nàng, haî wó mhoq yu ri lhú?
4. Haî mù luî, Yesuq gi tsâdán èq gúnglaú é huî ri lhú?
5. Yhûmsîng Yesuq gi, tsâdán èq gúnglaú é lé hká dông wó ung pyâm ri lhú?

C. Mhoq Yu é Dông Asàk Duì Râ Hkyô

1. Ngá-nhûng é yubàk mara mai, myìt lhîng râ hkyô gi, haî mù ahkyàk lhê lhú?
2. Ngá-nhûng é asàk duì hkyô má, htûng hui sê é agúng alaú pé gi, haî haî nghut râ lhú?
3. Agúng alaú lé, wó ung pyâm râ matú, ngá-nhûng haî hen to râ lhê lhú?
4. Dùt laî lo é ahkyo azó shî-mai, náng é i-pyât é matú, haî wó mhoq yu ri lhú?

D. Wó Mhoq Yu É Hkyô Pé

1. Yesuq gi, Garai Gasâng é yhangzo akyîng nghut é yánmai, tsádán gúnglaú é lé wó ung pyâm ri.
2. Tsádán gúnglaú é lé wó ung pyám râ ahkyàk dik é myoshi gi, Garai Gasâng é mungdang nghut ri.

Hebre 4:14-16 má, Yhûmsîng Yesuq gi, tsádán gúnglaú é lé huî wú é yánmai, ngá-nhûng chyáng le î-sû e agúng alaú huî lo é hkûn, yhûmsîng Yesuq chyáng garúm wó dûng é lé, hkyô shit tô ri.

3. Gótû haí jung wó mhoq yu záng ashî lhú? Myi râ dangmyi jòq ashî lhú?


Nghap Matsíng Râ Chyúmbun

Lukaq 3:22

Chyoiyúng Woinyí gi, hpûngkyui gùnghkyâng sû é dông mai Yhâng ahtoq má lé gyó nô ri. Haú hkûn, “Nàng gi, Ngò chyitdàp é Ngá zo nghut lhê; Náng é ahtoq má Ngò, gabú myìt ngón nyi lhê.” ga mauhkûng mai danghtê htoq lo ri.

3. Ngozo Gyai Myo Shoq Wó Kông Yu É Hkyô

The great catch of fish



Lukaq 5:1-11


DANG HPÓNG

Mhô-myi shî-mâ é ahkyo azó pé gi, Yesuq Genesarat nhông mó shut e é hkûn dùt é hkyô nghut lhê. Nhông shî gi, Galile mau mâ nghut é yánmai, Galile nhông le gâ lhê. Haú mau bâng é wambaú ûbaú hkyô gi, lhaî mai ngogûn dù zô é hkyô nghut ri. Ngozo kông é lé, ra-am gi, nyi lé kóng, ra-am gi myín lé kóng kut akô.


Genesarat nhông gi, Yhumsîng Yesuq mai sâng-hi chángzo wùt yu é jowò nghut ri. Yhumsîng Yesuq èq yhâng é chángzô pé lé hkâsu kut wùt yu é hkyô lé, a-ô má wó myâng râ nghut lhê.

Myî tû wú é hkyô:

Nàng, ngozo kông wú é lhú? Ó yùq eq ê kông é lhú? Ngozo kông é yung ajà jà jòq lhê. Hká yung dông kông le je wó ri lhú? Ngozo kông le, haî haî chûng râ ri lhú?




¹ Radàm má lé, Yesuq gi, Genesarat nhông yàm
má yàp tô le, Garai Gasâng é mungdang gyo râ
ga, shiwa byu pé, Yhâng chyáng chyîn chyap
wang lé lô kô é hkûn, nhông gin-gau yàm má lhaî
razúm jòq tô é lé, Yhang myang kat ri.




² Ngogûn dù bang kúm gi, lhaî mai htoq mù,
yháng mòq é gùn pé lé chî nyi akô.




3a Yesuq gi, Simûn é lhaî má wàng mù gin-gau
mai rachyit lhoq kang nhang ri.




^{3b} Lhaî htoq má zung to mù, shiwa byu pé lé
mhoq shit taî kyô nyi ri.



⁴ Dang ban taí jáng, Yesuq gi, Simun lé,
“Wuìnìk é shut hui luî, ngo zo wó kông yù râ
matú, núngròq é gùn pé lé dû hkyô kat keq.”ga
taî ri.




⁵ Simun gi, “Yhûmsîng ê, ngámòq amàn ra-myìn mau shikùt wú kôlhang, haî le a wó; nghut kôlhang, náng dâng é yánmai, ngò gùn dù hkyô kat râ nghut lhê.”ga tû taî ri. Gùn pé lé hkyô kat kô jáng, yhángmòq gi, ngozo gyai myo shoq lé wó kông yù kô mù, gùn lhâng jèq ló râ su dut lò bê.




7 Lhaî gó lhum mâ é lu-zúm wuî lé, lé garúm
yû râ matú lòq lik lik kat kôjâng, haú bang lé lô
mù, haû lhaî í lhum alùq myùp ló shoq ngozo lé
kat pyíng bekô.



8-9 Simun Petruq gi, haú lé myàng jáng,
Yesuq é hkyî wang má hkyîhput htuq mù,
“Yhûmsîng ê, ngá chyáng mai ló byùq àq, haî
mù gâ le, ngò gi, yubàk dàp é byù nghut nyi
lhê.” ga taî ri. Haî mù luî gâ le, Simun le, yhang
eq nyi tô é lhùnglhâng bang le, haû su ngozo wó
yu é yánmai, maú nyi bùm kô mù nghut ri.



¹⁰ Hau htâng, Yesuq gi, “Hkâgyùq, ahkuî mai
nàng gi, byù lé châng kóng sû dùt râ nghut lhê.”
ga luî, Simun lé taî ri.



11 Yhángmòq gi, wuì yàm má jé jáng, lhaî pé
eq yhángmòq é zè bànshoq lé tô pyâm to luî,
Yesuq htâng châng bekô nghut ri.

A. Ahkyo Azó Lé Hpyê Lhûm É Hkyô

1. Byù mòq mó gi, Genesarat nhông yàm má nyi tô é Yesuq chyáng, haî mù lé lo akô lhú?
2. Yhûmsîng Yesuq jî é lhaî gi, ó yùq é lhaî lhú?
3. Yhûmsîng Yesuq gi, mungdang ban taî é htâng má, Simun lé haî kut nhang ri lhú?
4. Simun gi, Yesuq lé haî dum tû taî ri lhú?
5. Simun gi, Yhûmsîng Yesuq taî é dông, wui nìk é shut gùn lé dú kat jáng, haî dùt lo ri lhú?
6. Gùn èq ngozo myô dik shoq wó dú yu é hkûn, Simun haî dum kut ri lhú?
7. Yhûmsîng Yesuq gi, Simun lé, haî lé châng kóng sû dùt nhâng nau ri lhú?

B. Ahkyo Azó Lé Sê Gyô É Hkyó

1. Yhûmsîng Yesuq gi, Simun eq yhâng luzûm wui lé, haî mù luî, ngozo gyai myo shoq wó yû nhang ri lhú?
2. Ngozo gyai myo shoq wó yu é htâng, Petruq gi, “Ngò mara gyai wó sû nghut lhê, ngá chyâng mai htoq ló byùq àq.” ga Yesuq lé, haî mù taî ri lhú?
3. Yesuq gi, ngozo za kóng zô é byù lé, yhâng é chângzo kut râ matú haî mù hkyin yu ri lhú?
4. “Byù lé châng kóng sû” gâ é gi, haî le taí nau lhê lhú?

C. Mhoq Yu é Dông Asàk Duì Râ Hkyô

1. Ahkyo azó ban dùt é htâng má, Petruq, Yohan eq Yakuq pé gi, Yesuq é chângzô pé dùt byùq bekô nghut ri. Chângzô pé nghu é gi, hkâsû é bang lé taí nau é nghut lhê lhú?
2. Yhûmsîng Yesuq é htâng wó châng râ matú, ngá-nhúng lé hkûmzing tô é hkyô pé jòq ri lhú?
3. Yhûmsîng Yesuq gi, náng é asàk duì hkyô má hkâsu garûm laî lò bê nghut é hkyô lé, náng luzûm wui lé taî kyo nau é bo lhê lhú?
4. Yhûmsîng Yesuq é chângzo dùt râ matú, ahkyo azó shî gi, nang lé hká dông wum-o atsam byî nyi ri lhú?

D. Wó Mhoq Yu É Hkyô Pé

1. Yhûmsîng Yesuq gi, haî lé le wó ung myùq sû nghut ri.
2. Yhûmsîng Yesuq gi, yhâng htâng châng râ matú ngá-nhûng lé ji é hkûn, ngá-nhûng é yhûmbyù wuì bànshoq bang lé le, wò yù byi sû nghut lhê.
3. Yhûmsîng Yesuq gi, ngá-nhûng lé yhâng é chângzo dùt nhâng nau é eq rajung za, Yhâng é gabú danglù lé le sàksé hkám nhâng nau ri.
4. Gótû haí jung wó mhoq yu záng ashî lhú? Myi râ dangmyi jòq ashî lhú?


NGAP MATSÍNG RÂ CHYÚMBUN

Lukaq 5:10

Yesuq gi, “Hkâgyuq, ahkuî mai nàng gi, byù lé châng kóng sû dùt râ nghut lhê.” ga luî, Simun lé taî ri.

4. Gùngjum Shî Sû Lé Lhoq Gê Byî É Hkyô

Jesus Heals a Paralyzed Man




Lukaq 5:17-26

DANG HPÓNG

Hpyê lhum râ dang myi pé:


1. Ngá-nhúng lúng é yhûm zông gi, hkâsû é nghut ri lhú?
2. Xêwâm pé gi, hai èq saî tô ri lhú?
3. Yhûm hkûng pé lé gi, hai èq saî tô ri lhú?

Mhô-myi shî-mâ é ahkyo azó má bo é yhûm gi, ngá-nhûng é yhûm pé eq shai lhûm lhê. Yesuq é i-pyât mâ é yhûm gi, tsohtûng èq saî akô. Yhûmhkûng eq xêwâm lé gi, tso-nyhaq èq saî akô. Zùmhtâng pé lé, yhûmhkûng jé shoq htung tô ri. Haû mù, zè haî lhap naù jáng, yhûmhkûng htoq má dòq lhap akô.



Ahkyo azó shí mai, Hparishe eq tarâ sará pê é hkyô lé wó sê yù râ nghut lhê. Haú bang gi, Yudaq noqkuq hpûng mâ ûchyung pé nghut akô. Haú bang gi, Mosheq é tarâ pé eq Yudaq htûnghking pé lé sê é bang nghut akô.

Garai Gasâng gi, lhúnglháng lé hpan to Sû nghut lhê ga yhángmòq hâp yù kôlhang, Garaî Yhangzo nghut é Yesuq lé gi, a hâp yù kó nghut ri. Yhángmòq gi, Yesuq é htâng má byù mòq mó châng wún bùm kô é yánmai, myìt myo ú hkyî nyi bum akô. Hau htoq agó yhángmòq gi, rayùq yùq Garai nghut lhê ga taî é nghut jáng, haú yùq mara mó shut bê nghut luî shî dam byi gíng lhê ga hâp yu akô nghut ri.



17 Ra-nyí lé, Yesuq mhoqshit nyi é hkûn, Hparishe pé eq tarâ sará pé le, Yesuq nâm má zung tô akô; haú bang gi, Galile mau wà hkyap hkangmó mâ é bang eq Yuda mau, Yerusalem wà mó mâ é bang nghut akô. Yhûmsîng Garaî é wum-o a-tsam le nò hpyo lhoq gê râ matú Yesuq eq rahá nghut nyi ri.




¹⁸ Haú hkûn, byù ra-am gi, gÙngjum shî sÙ
rayùq lé taphkang mai wàq lé lô kômù, haú yùq
lé, yhúmhkaû má nyi tÔ é Yesuq é hí má, wó
lheq byi shoq ga hkyô ho nyi akô.



19 Byù lûm myô chyîn chyap to mû, haû nò
sû lé hká dông le a wó shuî wàng kôluî, haû
yhûm hkûng htoq shut wàq dòq ló akô.




Nò sû lé taphkang eq roq, shiwa hpong gung
gûng, Yesuq é hí ang ang má hkyô hâng kat akô.



²⁰ Yesuq gi, yhángmòq é lùmjíng myìt lé byu myàng jáng, “Byù nàng ê! Náng é yubàk mara lé hkyut pyám byi bê.” ga taî ri.



²¹ Haú hkûn, Hparishe pé eq tarâ sará pé gi, “Shî su ga luî, Garai Gasang lé rhoî dang taî é sû gi, ó yùq wá nghut lhê lhú? Garai Gasang za a nghut jáng, yubàk mara wó hkyut pyám byi sû gi, ó yùq wá nghut lhê lhú?” ga luî, myìt són wuî nyi bum akô.



²² Yesuq gi, yhángmòq myìt són wuî nyi é hkyô lé sé mù, “Núngmòq é i-myìt hkaû má, haî mù shí pé lé myìt són wuî nyi akô lhú?

²³ ‘Náng é yubàk mara lé hkyut pyám byi bê.’ nghû taí râ eq, ‘Toq luî, hkyô so aq.’ nghû taí râ má, hká hkun je taí lui lhê lhú?



²⁴ Haû byu Yhangzo gi, mingkan htoq má, mara hkyut byi râ ahkáng wó Sû nghut é lé, núngmòq lé sé nhâng nau lhê.” haû gùngjum shî sû lé, “Ngò, nàng lé taí bá, toq àq, náng é taphkang yu chûng luî, yhûm taû ló aq hkoi.” ga taî ri.



²⁵ Haú hkûn jáng, yhang gi, yhángmòq é hí má
toq yàp mù, yhâng é taphkang wàq chûng luî,
yhâng é yhûm shut Garai Gasang lé hkya-on
kúngtôn uchyang ló byùq bê.



²⁶ Byù bànshoq bang gi, gyai maú byùq kômù luî, Garai Gasang lé hkya-on kúngtôn akô nghut ri. Yhángmòq gyai gyùq maú dik é èq le, “Hkûnyí, ngá-nhúng, maúhpo amû pé lé myàng bê.” ga taî nyi akô.

A. Ahkyo Azó Lé Hpyê Lhûm É Hkyô

1. Byù myi yuq gi, yhángmòq é luzúm gùngjum shî sû lé, haî mù yhûmhkûng htoq shut wàq dòq ló akô lhú?
2. Yhángmòq gi, haú yùq lé yhûmhkûng htoq shut wàq dòq ló luî, haî dum kut akô lhú?
3. Yesuq gi, gùngjum shî sû lé myang kat é hkûn, haî hí taî kat ri lhú?
4. “Náng é yubàk mara lé hkyut pyám byi bê.” ga Yesuq taî é hkûn Hparishe pé gi, hkâsu ga myìt yu bum akô lhú?
5. Yesuq gi, Hparishe pé myìt nyi é hkyô lé hkâsu ga taî ri lhû?
6. Yesuq gi, gùngjum shî sû lé, haî kut àq ga taî ri lhú? Hau htâng haî dùt lo ri lhú?
7. Maúhpo múzó haú lé myang é byu pé gi, hkâsu kut bum akô lhú?

B. Ahkyo Azó Lé Sê Gyô É Hkyô pé

1. Gùngjum shî su é luzúm wuî gi, yhang lé Yesuq chyáng jé shoq hkyô kat râ matú, haî mù myìt toq akô lhú?
2. Yesuq gi, “Náng é yubàk mara lé hkyut pyám byi bê.” ga hí, haî mù taî ri lhú?
3. Yesuq gi, yhang lé ngá-nhúng lùmjíng jáng, Yhang gabú é hkyô lé ahkyo azó shî-má hká dông tûn shit tô ri lhú?
4. Mara hkyut pyám byi râ ga taî é eq hkyô a wó so sû lé lhoq gè byi râ ga taî é gi, hká hkun je wuî ri lhú ga myî é lé nàng hká dông wó myìt ri lhú? Haî mù luî lhú?

C. Mhoq Yu é Dông Asàk Duì Râ Hkyô

1. Nang lé Yesuq é hkyô sâng-hi taî kyo sû gi, ó yùq lhú?
2. Yesuq é hkyô a sé shî é bang lé, hkâsu kut sé nhâng râ lhú?
3. Yesuq lé garúm dúng nau é hkyô haî bo ri lhú?
4. Sê to gù mara kut shut é nghut jáng, mara hkyut byî é hui râ matú hkâsu kut râ lhú?

D. Wó Mhoq Yu É Hkyô Pé

1. Yesuq lé lùmjíng bang gi, góbang lé le, Yesuq lé lùmjing lò râ matú, hkyô shit râ lhê.
2. Yesuq gi, ngá-nhûng é Garai Gasang; ngá-nhûng é nòhpyo bàンshoq lé lhoq gè byi Sû nhgut ri.
3. Yesuq gi, Hparishe pé myìt é hkyô lé sê é su, ngá-nhûng myìt é hkyô lé le sê lhê.


Nghap Matsíng Râ Chyúmbun

Lukaq 5:24

Nghut kôlhang, haû Byu Yhangzo gi, mingkan htoq má, mara hkyut byi râ ahkáng wó Sû nghut é lé, núngmòq lé sé nhâng nau lhê.” ga mù, haû gùngjum shî sû lé, “Ngò, nàng lé tai bá, toq àq, nàng é taphkang yu chûng luî, yhûm taû ló aq hkoi.”

5. Yesuq, Hparishe Hpó Simun É Yhûm Má, E É Hkyô

Jesus at the Home of Simon the Pharisee



Lukaq 7:36-50


Dang Hpóng

Mhô-myi shî-mâ é ahkyo azó pé gi, ngá-nhûng ê byù nyì byù yap hkyô eq a pung é Isira-elaq byu pê é hkyô nghut lhê.


(1) Isira-elaq byu pé gi, zoshuq zô é hkûn, lèq nghê mù zô akô. (Alhô lé wú keq). Yhángmòq gi, ngá-nhûng su a zùng zo kó nghut ri. (2) Lùq bòng má namngón xû kat tô é myiwe zo rayùq é hkyô nghut ri. Yesuq é i-pyât má, namngón xû gi, gyai yhang gù bo lhê. Taí shâng ga jáng, myiwe zo hau é namngón xû lé ru-ûng le gi, yhâng é matú, zàn dông lhâng lùq zo râ nghut lhê.

Hpyê lhum râ dangmyi pé:

1. Nâng nu, nângwâ chyâng mai nghut nghut, gó yùq chyâng mai chyûnghuq myang yu wú lhê lhú? Chyûnghuq haû gi, hái jung lhú?
2. Nàng myang yu wú é chyûnghuq pé mâ é, hkâ lé nàng je o ri lhú?



Isira-elaq byu pé gi, zoshuq zô é hkûn lèq
nghê mù, zô akô.




36-37 Hparishe rayùq gi, Yesuq lé yhâng chyáng zang zo râ matú ji kat ri. Haû mù, Yesuq gi, haû Hparishe é yhûm má wàng luî zo râ matú zung tô ri. Haú hkûn haú wâ mâ é yubàk dàp é myiwe rayùq gi, Yesuq haû Hparishe é yhûm má zô zung tô é lé sé jáng, gyai hpaudap é namngón xû bo é luq hpyû bòng yu lé lo ri.




38 Yesuq é nùnghtáng hkyîwàng má ngau yàp to mù, Yhâng é hkyî má ngaùbyî èq záng lhoq teq byi jáng, ûxam èq bùt sut pyám byî ri. Dum nghut jáng, nhut èq puq luî, mura lé bùt byî ri.


39 Yesuq lé ji é Hparishe wá gi, haú lé myàng jáng, “Shí yùq myìqhtoi nghut le gi, Yhang lé záng htûng é sû, ó yùq nghut é eq hkâsû é yubàk dàp é myi we nghut é lé, Yhang sé râ nghut lhê.” ga luî, yhâng é ung hkaû má myìt nyi ri.




40 Yesuq gi, “Simun ê, Ngò, nang lé taí râ rajung jòq ri.” ga taî ri. Simun le, “Sará ê, taí aq.” ga taî kat ri.




⁴¹ Haú hkûn, Yesuq gi, “Ngùn chyi zo sû rayùq chyáng, chyîn dap é byù í yùq nyi ri. Rayùq gi, denari ngoshô chap, rayùq gi, ngo xê chap dàp ri. Denari rachap ge ra-nyí lê buì-nyí hpau eq pung ri.



42 Haú nhik gi, chyîn xap râ ngùn a wó kôluî,
chyîn yhûmsîng gi, yháng nhik lé xap a ra lo gâ
pyâm ri. Haû mù luî, haú nhik mâ é hká yùq gi,
yhang lé je chyit dàp râ lhú?” ga myî ri.




43 Simun gi, “Je myo lhoq lhut hui sû, nghut râ su ngam ri.” ga tû taî ri. Yesuq gi, “Nàng myìt é dông jô ri.” ga taî ri.




44 Haú hkûn, Yesuq, myiwe zo haú lé lhing wú luî, Simun lé, “Nàng myiwe zo shî lé myang lhê lhú? Ngò, nàng é yhûm má wang le, hkyî chi râ uchyam, nàng a byi, yhang kúm gi, ngaùbyî èq ngá hkyî lé tik byi luî, yhâng é xam èq sut pyám byi bê.



45 Nàng gi, ngo lé nhut èq a puq nghut ri; yhang kúm gi, ngò yhúmhkaû má wang é mai ngá hkyî má a no lo shoq puq nyi râ.



47-48 Haû su mù, ngò, nàng lé tai lé, haû myiwe gi, je chyitdàp luî, yhang wó é yubàk myo myo lé hkyut pyám byî é hui bê. Shau za mara hkyut pyám byî é hui sû gi, shau za chyitdàp sû nghut ri.” ga taî ri. Yesuq gi, myiwe haú lé le, “Ngò, náng é yubàk mara hkyut pyám byi bê.” ga taî ri.



49 Rahá zung tô é bang gi, “Yubàk mara lháng wó hkyut pyám byi sû, shí yùq gi, ó wá nghut lhê lhú?” ga luî, myìt nyi bum akô.

50 Yesuq gi, “Náng é lùmjíng myìt èq nang lé hkyi yù bê, ngón za ló aq hkoi.” ga luî, myiwe haú lé taî kat ri.

A. Ahkyo Azó Lé Hpyê Lhûm É Hkyô

1. Yhûmsîng Yesuq gi, ó yùq é yhûm má é ri lhú?
2. Yhûmsîng Yesuq zoshuq zô nyi é hkûn, ó yùq wang lo ri lhú? Myiwe zo haú yùq gi, haî kut sû nghut ri lhú?
3. Hparishe pé gi, myiwe zo kut é hkyô lé hkâsu byu myang akô lhú?
4. Yesuq gi, Simun lé hkâsû é dangké taî kyô ri lhú?
5. Yesuq gi, ngùn chyîn dàp é byù í-yùq é hkyô lé ban taî kyo jáng, Simun lé hkâsu ga myî ri lhú? Simun gi, haî tû taî ri lhú?
6. Yesuq gi, yhang lé Simun lhom pâng yu é hkyô eq myiwe zo lhom pâng yu é hkyô eq séng luî hkâsu ga taî kyô ri lhú?
7. Yesuq gi, dangké taî é ban ló zó má, myiwe zo lé, haî taî kat ri lhú? Shiwa byu pé gi, myiwe zo lé Yesuq taî kat é dang lé hkâsu ga myît yu akô lhú? Yesuq gi, myiwe zo haú yùq é mara lé, haî mù hkyut pyám byî ri lhú?

B. Ahkyo Azó Lé Sê Gyô É Hkyô

1. Yubàk mara wó é myiwe zo gi, Yesuq chyáng lé luî, haî mù namngón xû lé büt byî ri lhú?
2. Yesuq gi, ngùn chyîn dàp é byù í yùq é hkyô lé haî mù taî ri lhú?
3. Yesuq gi, myiwe zô é i-myìt lé hkâsu byu myang ri lhú?
4. Simun myìt é hkyô eq myiwe zo myìt é hkyô gi, haî shai lhûm ri lhú?

C. Mhoq Yu é Dông Asàk Duì Râ Hkyô

1. Ahkyo azó shî-mâ é myiwe zo shí yùq lé, mara bò sû ga Chyúmlaiká má bo tô ri. Ngá-nhúng, hái jung jung kut jáng mara dùt byùq lhê lhú?
2. Ngá-nhúng yubàk mara bo é hkyô lé, Yesuq é hí má, hkâsu tûnshit râ lhú?
3. Yesuq é chyitdàp myìt èq náng é mara lé hkyut pyám byî é lé, nàng hká dông jeju bun râ lhú?
4. Myiwe zo lé, “Ngón za ló aq hkoï” ga, Yesuq taî é ngùi ngón hkyô lé, ô pé wó râ lhú?

D. Wó Mhoq Yu É Hkyô Pé

1. Ngá-nhúng lhúnglhâng bang gi, yubàk mara wó bang chyat nghut lhê. Hau é yánmai, gó yùq gi, yhûmsing htoq mara je bo lhê nghû hkâ é jé yáng kó.
2. Yesuq gi, yhang lé lùmjíng lò râ bang eq yhâng chyâng myìt lhing lò râ bang lé láng nyi ri. Yhûmsîng Yesuq é jeju lé dàt hkya-ôn é bang gi, Garai Gasâng é shimân jeju lé wó yù râ nghut lhê.
3. Gótû haí jung wó mhoq yu zâng ashî lhú? Myi râ dangmyi jòq ashî lhú?

NGHAP MATSÍNG RÂ CHYÚMBUN Lukaq 7:50

Yesuq gi, “Nâng é lùmjíng myìt èq nang lé hkyi yù bê, ngón za ló aq hkoi.”ga luî, myiwe haú lé taî kat ri.

